

薛廷弼

余邊人也游於南國山壑勝過西必採以貯囊中歸
雖數十載志未嘗不一日在里中東山謗呼為盆陋矣
故從使君顧而慨然易以今名復與諸騷客飲酒賦詩
以志其勝於是盤山之面目始表出於荒烟古塞中山
靈人杰良有以也余叨座末樂操土風夫邊笳以十八
拍流傳於世游玉門者聞人為羌笛引謂可以度春風
而怨楊柳余不能詩而竊類於是聞之高人唾其笑矣
奇峯翠律傍城隈勢聳東南疊嶂開一徑微窪穿石入半

天空翠鎖雲迴雨聲直挾泉聲走山色如連草色來此口
騷人齊領畧呼僮為我闢蒿萊

未是蓬山水一渦懸巖有文落成河斜穿石上聲初咽故
轉林間影倒多驟雨過來迴澗畔濕雲輕送人春莎遊人
欲覓發原處窟有蛟龍不敢過

高松若箇植盤中望處蒼龍聽處風鐵幹撐天當石柱霜
皮溜雨雜烟叢盤桓自引壺觴酌氣節還將晚歲隆瞻彼
西園千百卉孤標一望敢相同

幽棲誰始構高岡雲繞柴扉雉馴牆十丈丹梯通戶牖一

灣碧水沁衣裳銘同陋室才漸古醉倒蘭亭酒覺香一自
采豕成賦後臨摹非復舊山梁

劉法先

丹梯直上石阿臺洞口重雲漸次開斜掩柴扉樵父出遠
看村影牧童來千年古佛衣苔蘚三徑遊人坐草萊到處
尋仙卽此是芒屨不用幾徘徊

城東盤谷谷中泉倒注星河落遶川山上白沙隨浪走溪
邊緣草襯波漩滔滔晝夜苔常浸滴滴春秋石自穿借問
仙翁曾此駐乘槎一去幾時還

百丈山頭百尺松森森崖畔任從容幾經霜雪枝方老久
歷寒暄色更濃嘯傲風雷聲似虎奔騰雲霧勢如龍千年
喬木誰為侶自有緱山鶴與共

半山茅屋敞晴暉緩步芳塵逐蝶飛游客壺尊新釀酒仙
家臺館舊栽薇穿雲流水聲初急傍石山花色更菲試看
金烏留不住醉呼童子漫扶歸

陳 暄

趨庭西出鴈門關攜我看花到此間騏驎不忘千里志風
光且覓片時閒山橫秋爽堆塢髻石受風皺起鷗班正欲

澄雲尋古道高高新月挂城彎

盤山之下水湯湯所謂伊人在一方架木疑從霄漢渡鑿
山倩與暮雲藏波浸草碧穿虛牖花落流紅入小塘此際
臨淵多興會莫將西笑憶滄浪

仙子何年樹此松於今指爪盡成龍憑空似挾風雷響映
地還教日月籠隴上青青初種柳溪頭簇簇半舒蓉自經
邊氣都蕭瑟輸與蒼顏一老翁

性耽山水不嫌貪惠遠當年構此庵四面高峯常作障一
肩明月共誰擔繩牀置近牕間日琪樹陰移石上龕爭得

常招鸞鶴友頻來松下縱清談

遊盤山歌

陳同文

桐城人

余行龍眠來心數龍眠勝至此訪名山登臨發幽興四面
大盤旋中空似瓦甃遊人何處入澗底開一徑上有石蓮
峯下有仙人髯錚錚一局棋千古無人認巖壑更幽隱五
月藏冰凌有時陰雲合白晝昏如暝小洞鑿開攀援行石
蹒跚危哉獨木橋崎嶇尚可凭流泉出其間味甘冷然澄
烹茗香噴鼻七碗無少剩巍巍一株松蒼枝還幹徑天風
吹積雨濤音婉可聽百鳥巢其巔喧噉語相應茆屋亦參

差塔影橫對稱結構迴非凡乾坤大包孕我飲醉還醒童子報瓶聲披衣下山來遙聞暮鍾磬

天成
八京石蓮擁秀

泰華峯頂露瓊芳千葉花開抱碧房萬古邊城標秀色故留石上與人望

天潮文曲

灤洄百折水蒼蒼人過灘頭翰墨香謾道清流堪見底一源活潑共天長

雲斷高岡

二郎山頂鎖雲煙知是甘泉夜雨懸怪得此山雲一斷霎

時驚起蟄龍眠

二郎山雲起即雨此山雲斷即雨故土人胥以為上雨之兆

峭壁晚霞

青障斜分紫障欹莫疑草色暗參差懸崖萬丈光如錦正

是山前日暮時

甘泉靈應

峯迴徑曲隱龍池莫謂潛藏祇在斯涓滴卽教成變化千

年霖雨繫人思

孤峯聳翠

極目邊雲四塞開一峯突起勝飛來憑高自負崢嶸象未
許人間掃綠苔

堅冰傲暑

無端冷氣逼薰風素質長凝赤地中玉磬盛來渾一色紅
爐頓作水晶宮

筆峯沖漢

昊冥長空望更奢銳峯獨竦插雲霞江淹妙筆還如在最
上疑開五色花

和陳枚從盤松行

我生嬾學汗漫遊足跡未履關山道日對家山松萬株
仰亦足供嘯傲咫尺勝地有黃山虬松名甲天下妙曾讀
海岳黃山賦目游終慙身未到無何饑驅天涯走鴈門塞
上空矯首行行白日鎖黃雲四顧那見蒼髯叟競傳城東
盤之阿上有一株獨巍峩結根不知經幾代銅皮龍鱗堪
摩挲呼朋挈榼陟其巔但見萬壑染雲煙亭亭偃蓋千霄
漢大可十圍任醉眠醒來惟聽長風號濤聲四起禽鳥噪
酒闌客散杳無人回看峭壁日返照噫嘻自有此山時桃
李榆柳幾度移烈風雷雨老其材淪落窮荒無人知乃信

物必聚所好一株絕壓萬株倒茫茫宇宙貴者稀青年伏
龜誰同調他年擬買黃山耕萬松林內聽寒聲宏景有志
端不負今日聊和盤松行

次韻陳枚從盤山詩四首

扶筇綬步到谿隈一徑芳塵萬象開澄碧幾灣青草合玲
瓏四面白雲迴閒看鴉陣飛還集卧聽樵歌去復來石上
遺踪今宛在人間卽此是蓬萊

盤阿

聞道蓬萊彈子渦九天疑是落銀河幽棲近市塵囂遠古
塞鍾靈仙跡多泉冽最宜烹晚茗興狂聊復射懸莎何方

移向家園去載酒千迴不厭過

盤澗

何代蒼龍鎮土中波濤盡日鼓長風天留古幹邊城秀品
關中州小桂叢清夜疎枝篩素影綠陰驟雨隱豐隆上林
多少瓊花種欲擬貞操未許同

盤松

數椽茅屋葺高岡靄靄閒雲低度牆日射槐陰喧鳥雀霜
侵月夜冷衣裳欲常世外蘼鹽味不羨人間錦繡香但識
觀魚行樂處會心何啻在濠梁

盤廬

弔贈光祿寺少卿肅寧令安公殉節詩二首

事詳人物

丹心血戰守孤城一面獨當百萬兵智燬雲梯賊膽破勇

殲首殲肝橫關山莫辨烽煙色草木疑聞鶴唳聲惟有
肅寧邀保障九重今始識真卿

謾道官卑七品郎成仁取義在疆場心甘隕首生如寄血
濺城頭死不僵大吏但知身累重小臣偏覺國恩長家亡
縱使埋幽骨青史應傳姓字香

天成
八景石蓮擁秀

靄靄仙源近碧天
崑崙恰似太華巔
他年擬覓長生訣
應拾瓊枝煮石蓮

天潮文曲

南溪曲曲繞城陰
豈與凡流競淺深
翰墨香飄盈十里
一泓秋水照文心

雲斷高岡

層巒蜿蜒碧天虛
斜插雲根半有無
烟雨迷離無限思
巫山一幅輞川圖

峭壁晚霞

壁立千尋積翠融
烟蘿裊裊漾斜風
夕陽一片金光射
掩映天空鳥道紅

甘泉靈應

北山爭說有名泉幾度耕耘霖雨偏應是龍眠千尺底一時雲湧洒中天

孤峯聳翠

雲外浮光淡紫煙一峯竦立絕攀援雨餘頓發千尋碧翠滴青青返照天

堅冰傲暑

赤日炎風暑未殘閉關常憶水晶盤那知忽現清涼界匝地堅冰六月寒

筆峯沖漢

天鑑縣志
卷之六
遙望孤峯削不成
峒堯天外俯神京
徘徊疑是凌雲筆
恐觸銀河水欲傾

同姚岷山舍弟砮五遊盤山二首

細柳毵毵碧溪迴
路轉賒蒼松飛翠雨
埜草綴幽花口吳
銜高嶺山空逼暮霞
縱談人境外寂寞鳥聲譁

層樓凌絕巘憑眺意悠然
嵐罩千峯隱雲低曲徑連危橋
通石洞寒澗引流泉
仙子歸何處遺蹤今尚傳

同陳秋亭子璠兩先生暨家八叔舍赤重遊盤山

馬上衣侵積翠濛
小溪提榼到琳宮
雲深龍卧千山雨
月

落烏啼萬木風
芳草有情橫逕
碧閑花多豔
觀巖紅同遊
還訪仙人跡
坐聽松風裊
半空

咏鷺峯寺石鼓

羅錄邑人

白石磷磷腹內空
宜晴宜雨更宜風
影橫孤月天心靜
響入深林嶽勢雄
彷彿雷鳴雲漢出
依稀鼉吼海濤同
漫勞桐削魚形擊
四面玲瓏叩則通

石蓮擁秀

奇峯竦出碧山巔
雨後遙看五色鮮
疑是太華千葉種
飛來石上長青蓮